

محراب الصلاة سر نجاحك في الحياة _ لايف هيغير مفهومك عن النجاح و الصلاة _ م علاء حامد

علاء حامد

الحمد لله واشهد ان لا اله الا الله وحده لا شريك له. واشهد ان محمدا عبده ورسوله صلى الله عليه وسلم اما بعد. اهلا ومرحبا بكم في محاضرة جديدة ولقاء جديد ولايف جديد من لايفات يوم الاثنين. نسأل الله سبحانه وتعالى ان يبارك وان يتقبل منا ومنكم صالح -

00:00:00

الاعمال آآ يمكن المرة اللي فاتت اتكلمنا على آآ قضية بدأنا بقضية الصلاة. اتكلمنا في محور مهم جدا وهو لماذا نصلي يعني ليه ليه لازم نصلي مش مش اللي هو نصلي كده لأ ليه لازم نصلي وليه ما ينفعش الحياة تستقيم بغير الصلاة واتكلمنا في خمستاشر -

00:00:20

سبب في لايف سميناه خمستاشر سبب لماذا؟ ليه لازم نحافظ على الصلاة؟ او ليه لازم نصلي؟ النهاردة هنتكلم في محور ثاني خالص. محور ثاني خالص. محور جميل قوي هيخلينا نحب الصلاة اكثر واكثر ونتعلق بها - 00:00:40

اكتر واكثر وهو علاقة الصلاة بالقوة في الحياة. علاقة الصلاة بالقوة في الحياة او ما ايه علاقة الصلاة بالنجاح في الحياة؟ هل هناك روابط بين الصلاة وبين النجاح؟ يعني اما ان الصلاة مجرد سبب للحسنات - 00:00:54

وسبب لدخول الجنة لكن هي ما لهاش علاقة بالحياة. يعني ما لهاش علاقة بحياتي الشخصية. ما لهاش علاقة بنجاحي في في عملي في شغلي بيتي في اسرتي في هل الصلاة هي مجرد عبادة بنؤديها لكي آآ ندخل الجنة وننجو من النار هي مجرد طقوس -

00:01:14

تعبدية محضة مستقلة عن الحياء ولا فيها فيه اثر للعلاقة؟ الصلاة لها علاقة واثر كبير في نجاح الانسان في الحياة. طيب آآ احنا حتى بنشوف روابط كده برضو لكي نبدأ بقى ونتشوق للموضوع دوت. انت نفسك بتشوف - 00:01:34

في القرآن انواع من الروابط مثلا قول الله تعالى ان الانسان خلق هلوعا. اذا مسه الشر جزوعا واذا مسه الخير منوعا الا المصلين. ربط بين سلوك معين. السلوك ده من اسباب فشل الانسان. يعني الانسان - 00:01:53

المنوع الجزوع. دي كلها اسباب اه بتؤثر في علاقة الانسان بنفسه وعلاقته بالحياة علاقته بالآخرين علاقته بالمصائب الانسان به هلوع ما بيحسنش التصرف قليل الصبر. جزوع شديد الخوف. تمام؟ منوع بخيل. طبعا اكيد كل دوت - 00:02:13

بيأثر على اسرتي بيأثر على اولادي بيأثر على مجتمعي. ليه ربنا ربط الكلام ده بالصلاة؟ ده شيء بيلفت انتباهك؟ قوله تعالى ان الصلاة تنهى عن الفحشاء والمنكر. طيب ايه علاقة الصلاة بالاستقامة؟ قوله تعالى مثلا فخلف من بعدهم خلف اضاعوا الصلاة - 00:02:32

واتبعوا الشهوات فربط بين اضاعه الصلاة وبين اتباع الشهوات لا شك ان كل الروابط ديت بتستسير الانسان ان هو يفهم ايه العلاقة بين الصلاة وبين آآ استقامة الانسان سلوك الانسان طريقتي في الحياة تعاملتي مع الآخرين ده وضع - 00:02:52

انا النهاردة هنتفصل في لكن اول ما ينبغي ان احنا ننبه ان اي كلام عن اثر الصلاة في الحياة هو كلام عن الصلاة اللي هي بترضي ربنا يعني. يعني لا نتكلم عن الصلاة السريعة. الصلاة اللي فيها غفلة - 00:03:12

ما تاخذش كلامي ده على الصلاة دي ابدًا. انما بنتكلم عن اقامة الصلاة وليس عن الصلاة. وانما نتكلم عن اقامة الصلاة. وليس عن زات عن مجرد الصلاة. لذلك احنا بنقول ان في - 00:03:30

حاجات مهمة لازم نتفق عليها عشان اقول ان الصلاة اللي انا هتكلم عليها النهاردة ديت تنفعك. اول حاجة هنتكلم على ثلاث لاءات او اولاً لا للصلاة السريعة لا للصلاة السريعة. يعني الصلاة السريعة اللي هي تخلص بسرعة - [00:03:45](#)

الاربع ركعات في دقيقتين والجو ده. ودي لن توصي الى اي شيه. يعني لن توصلك الى النجاح الذي اقصده لن توصلك الى الفلاح الذي سنتكلم عنه. يبقى انت لو بتصلي صلاة سريعة زي ما بنقول كده بالمصري كروتة. اي كلام. يبقى احنا مش - [00:04:07](#)

بنتكلم معك اصلاً. نحن لا نتكلم عن من يصلي صلاة سريعة. لازم تكون صلاة على مهل. اذا كان النبي عليه الصلاة والسلام بيقول اذا اتيتم الصلاة فليكن عليكم سكينة. ونهى ان الانسان يجري عشان يروح الصلاة - [00:04:24](#)

فاذا كان نهاه ان هو يجري عشان يروح الصلاة ما بالك باللي بيجري في الصلاة نفسها يبقى احنا ما لناش دعوة بالايه بالصلاة الجري ديت دي مش كلامنا خالص. الحاجة الثانية لا لصلاة بطيئة ولا - [00:04:43](#)

لكن فيها غفلة لا لصلاة بطيئة ولكن فيها غفلة. ممكن الواحد يكون بيصلي صلاة مش سريعة هي بطيئة فعلاً. بياخد صلي على مهل بيقرا كتير ترcek بيقول ازكار كتير حلو. لكن ما فيش اي تدبر ولا تفكر في معنى ما يقول وفي اثر ما يقول على قلبه. محاولة - [00:04:56](#)

ان هو بس يعني يحاول يحضر قلبه. يفهم المعاني اللي بيقولها ده مش حاصل. ده عامل زي ايه؟ آآ يعني خيلنا نقول الاول والثاني. الاول والثاني الاول ده عامل زي اللي بيزاكر بسرعة قوي. يعني بيمسك - [00:05:18](#)

المذكرة ديت بتاعة الفيزياء او الكيمياء وكده بيعمل ايه ببص في الورقة كده ماشي ماشي يقلب ماشي يقلب ماشي ابي ابي ابي ابي ابي ابيكم في اداء الشخص ده في الامتحان اكيد هيفشل فشل زريعة وهيتصدم صدمة كبيرة مش ممكن تكون بتقعد في الورقة في الورقة - [00:05:34](#)

دقيقة مسلاً او تلت دقائق او خمس دقائق متوقع ان انت هتخش الامتحان تحل. يبقى دوت بنسميه الصلاة السريعة الصلاة البطيئة عاملة زي واحد اه بيقعد كتير على الورقة يعني بيمسك المذاكرة ممكن يقعد على الورقة ساعة. لكن بيقعد تايه عارفيه عارف لما تفتح الكتاب وتبص - [00:05:54](#)

فيه بس انت مش موجود. انت انت بتبص وانت مش هنا. انت تايه تماماً. يعني هي النص ساعة بتعدي عليك او الساعة الاربع بتعدي عليك. انت فعلاً مش اي حاجة. يعني هي منظر بس. انت بتبص في الورقة بس انت لا مؤاخزة ايه؟ يعني ما شاء الله ولا فاهم اي حاجة. ترعة المفهومية. مش فاهم مش فاهم الورقة بتتكلم - [00:06:12](#)

لكن كوقت انتهت واللي يقول زاهر لا قعد قعدنا تلت اربع ساعات عالمزكرة لكن طلعت بايه صفر ليه لان انت قاعد اه وقت لكن بلا تركيز بلا فهم في غفلة شديدة. نفس الكلام الشخص دوت اللي قعد ساعات كتير - [00:06:32](#)

آآ هيروح الامتحان هيفشل زي الاولاني. يعني الصلاة السريعة مش هتوصلني. الصلاة البطيئة مع السرحان والغفلة برضو مش هتوصلني هنا اي حاجة. يبقى الآية الاولى لا للصلاة السريعة. الا الثانية لا للصلاة البطيئة اللي معها غفلة. الا الثالثة - [00:06:52](#)

لا لاستعجال النتائج. لا لاستعجال النتائج. يعني لما ابي اوعده دلوقتي بحاجات ما تستعجلش معي النتيجة. ما تستعجلش معي النتيجة. مش مسلاً ان انا اقول لك لو انت صليت هيحصل كذا وكذا فتعتقد ان انت هتقفل هتروح تصلي هيحصل لك - [00:07:12](#)

كده ليه؟ انما هذا الامر يحتاج منك الى وقت كما قال ثابت البوناني قال جاهدت نفسي على قيام الليل سنة ثم استمتعت به عشرين سنة جاهدت نفسي على قيام الليل سنة - [00:07:31](#)

ثم استمتعت به عشرين سنة يبقى انا ممكن اتعب شوية مع الصلاة اخذ وقت ممكن اقعد في الموضوع ده شهور عشان ابدأ اشعر بالثمرة والنتيجة اللي هنتكلم عنها دلوقتي يبقى احنا قلنا ثلاث لاءات لا للصلاة السريعة لا للصلاة البطيئة التي فيها غفلة لا لاستعجال النتائج. خلاص - [00:07:53](#)

نصائح قبل البدء يبقى ديت التلات لاءات. بعد التلات لاءات هنقولوا نصائح قبل الانطلاق. نصائح قبل الانطلاق. نصائح قبل الانطلاق لكي نصل الى النتيجة المرجوة. واحد عليك بالتنوع في القراءة والتنوع في الادعية والاذكار فان التكرار قرين - [00:08:16](#)

عليك بالتنوع فيما تقرأ والتنوع في الازكار. وآ الادعية فان التكرار قرين الملك ان تكرار قرين الملل هيبقى انت بتقرا كثير او او
بتقول ادعية كثير لكن خلاص صار امر روتيني تماما بلا تفكر ولا - [00:08:40](#)

ولا تعقل لان هو خلاص هي مسألة بتتكرر وخلاص مش هتستفيد حاجة. النصيحة الثانية احفز ما تقدر عليه من اذكار الصلاة يعني
هتجيب كتاب زي حصن المسلم. كتاب زي حصن - [00:09:04](#)

المسلم او كتاب زي النصيحة في الازكار والادعية الصحيحة. اكتبوا اسم الكتابين دول. الكتاب الاولاني حصن ده مشهور الكتاب
التاني اسمه النصيحة في الازكار والادعية الصحيحة خلاص هتجيب كتاب من الاثنين دول هتفتح على اذكار الصلاة - [00:09:23](#)
هتلاقي اذكار كثير. اذكار في استفتاح الصلاة. اذكار في الركوع. في اذكار بعد القيام من الركوع. اذكار كثير في السجود اذكار بين
السجودين. اذكار بعد التشهد فاحفز اللي تقدر عليه. لان احنا - [00:09:44](#)
عايزين آ عايزين ان احنا نبقي معنا اكبر كم الازكار لان اسرار الصلاة مش في مجرد آ ان انا بركع وبسجد. لا المحتوى بقى نفسه.

انا عايز المحتوى. في اذكار معينة هتفرق معي. في ادعية معينة - [00:10:05](#)
معناها هيفرق معايا كل دعاء كل زكر بياسس جزء من شخصيتي وببغير فيا اه حاجة فانا كل ما بحفظ ادعية اكرر كل ما بحفظ اذكار
اكرر كل ده ما هيفرق هيفرق معي. تمام - [00:10:26](#)

كل زكر له هدف سلوكي وهدف نفسي. يبقى قلنا التنوع حفز اذكار الصلاة. نمرة ثلاثة اختيار حسن اختيار الزمان المكان آ عند
الصلاة. طبعا لو انت رجل هتصلي في مسجد - [00:10:43](#)

خلاص هنصلي الفرض في المسجد والنافلة في البيت. فلما تيجي تصلي في مسجد اختار برضه مسجد كويس الجو فيه كويس
القارئ كويس الصوت كويس لو انت بنت طبعا هتصلي في البيت غالبا. يبقى الفكرة ان احنا نختار مكان كويس نصلي فيه وقت
مناسب. آ آ يكون - [00:10:58](#)

كل حاجة مهيأة لصلاة جميلة. ممكن في الفرض بيبقى ما فيش اختيارات اوي لان الوقت محدد لكن ممكن كمان في النوافل نعوض
كثير ونختار اوقات احسن واماكن احسن اه طبعا بلا شك اه اقوى النتائج بتكون في جوف الليل الاخر. في الثلث الاخير من الليل.
وبعد كده عموما الليل - [00:11:18](#)

حتى لو لم يكن الثلث الاخير لكن الليل عموما من انفع الاوقات الانسان يستحضر فيها ويتدبر فيها. هو من انفع الاماكن الاماكن
الخالية ما فيش حد حواليك. ويا سلام لو حد قدر يصلي في الحرم يبقى حاجة عظيمة جدا - [00:11:41](#)

طيب بيبقى ديت احنا احنا بدأنا اولاً عشان نستفتح وتفهم انا بتكلم في ايه دي في عندنا ثلاث لاءات وكان عندنا تقريبا ثلاث نصائح بنا
نبدأ قبل ما نبدأ عايز اقول مقدمة مهمة جدا. مقدمة ايه؟ مهمة جدا جدا. احنا بنسمع عناوين مطاطية - [00:11:57](#)
عنوان مطاطي بيقول النجاح في الحياة صح؟ ده عنوان موجود في محاضرات كثير وفي كتب كثير وفي آ وفيديوهات كثير لكن ما
فيش حد آ حاول يسأل نفسه آ ما هو النجاح - [00:12:20](#)

ما هو النجاح؟ احنا احيانا بنكرر كلام بمجرد تكرار لكن آ ما حدش آ فكر ان هو يحاول يعرف المصطلح نفسه. يعرفه يعني احنا
بنقول ان الصلاة سر النجاح كان المفروض انت اصلاً تسأل السؤال ما هو النجاح - [00:12:38](#)
ما عشان اعرف اثر الصلاة على شيء معين. لازم افهم هو ايه الشيء المعين دوت. ما هو النجاح ما هو النجاح؟ وفعلًا انت دلوقتي وانت
بتسمعي لما انا صدمتك بالسؤال دوت انا اتصور ان انت الان مرتبك - [00:13:05](#)

ما هو النجاح ما هو النجاح في مفهومنا الاسلامي لان النجاح له تعريفات كثير جدا. سواء في الاطروحات الغربية او في
الاطروحات الشرقية او الاسلامية والعربية. كل واحد عرف النجاح بطريقة معينة - [00:13:23](#)

احنا لازم يكون احنا اصلاً لنا تعريف خاص بنا تعريف مناسب لديني. مناسب لفهمي. مناسب لاستيعابي لسنن الله في الكون. مناسب
لايماني بالله واليوم الآخر والقدر ونحو ذلك. فكوني مستوعب فاهم المواضيع دي؟ اكيد انا المفروض يبقى لي توصيف معين ما هو
النجاح - [00:13:41](#)

علشان على اساس التوصيف دوت هقدر بعد كده ابني آآ فرع عنه ان ازاي الصلاة بتصب في النجاح دوت طبعاً يمكن سمعتوا لي محاضرات كتير في منكم اللي سمع مني كلام في الباب ده شوية بس انا النهاردة هحاول ابلوره احسن شوية - [00:14:08](#)

فانا عايز اقول ان النجاح بمفهومي انا الاسلامي له ثلاث شروط ثلاث شروط آآ اغلب الناس بيتكلم في مسائل متعلقة بتفوق آآ المستوى المادي آآ الشهرة الشهادات تحقيق الذات في المجتمع - [00:14:27](#)

كل ده كلام هو يعني ماشي لطيف بس مش هو ده تعريف النجاح عندي خليني اضرب لك الكلام اللي اتقال ده كله ببعض الامسلة يعني خلينا نرجع للتعريفات الغلط وبعد كده نعرف الصح - [00:14:54](#)

ايه هو النجاح ما هو النجاح طيب البعض بيتصور ان النجاح كلمة النجاح هي آآ الانسان يعني يكون متفوق دايماً في حياته آآ بيحقق احلامه تمام بيعمل شهادات بيطلع من الاول بيشتغل شغلانة كويسة بيتجوز جواز كويسة بيبقى معه مرتب - [00:15:13](#)

طب كويس بيبقى عايش مستريح بيبقى عايش مبسوط بيبقى عنده نوع من الايه مساحة للرفاهيات اه آآ ممكن يكون مشهور يا ريت ممكن مستواه المادي يعلى شوية كمان يا ريت واخلاقه كويسة وزوجته كويسة وولاده بخير ده بالنسبة له ايه - [00:15:37](#)

بالنسبة له نجاح طيب حلو ده ده المفهوم اللي انا قلته ده مفهوم مادي جداً يعني ممكن انا افهمه آآ اصدق لو واحد مش مؤمن بالله واليوم الآخر يكون هو ده تصويره عن النجاح - [00:15:57](#)

اما شخص مؤمن بالله واليوم الآخر وفاهم سنة الله في الحياة وقاري قصص الانبياء واري قصص الصالحين وقصص الصحابة. يقول الكلام ده يبقى احنا مش فاهمين اي حاجة في دينا - [00:16:15](#)

يبقى احنا مش فاهمين اي حاجة في دينا خالص ليه انا هضرب لك امسلة هو كل ما اضرب لك مسأل هسألك سؤال واحد بس. هل الشخص ده ناجح ولا فاشل - [00:16:32](#)

وانت تجاوبني وانت هتفهم انا عايز اقول ايه في الآخر. خد الصدمة وبعد كده انت تقول لي اه الشخص ده ناجح ولا فاشل بس تجاوبوا بسرعة يعني عايز اجابات سريعة جداً. تمام - [00:16:47](#)

السؤال الاول المعايير اللي انا قلته ديت تنطبق على اشخاص معينين لقوا ان المعايير هي المستوى المادي. مستوى الاجتماعي الراحة في الحياة. الاسرة الاولاد الكلام دوت. طيب واحد هل فرعون ناجح - [00:17:03](#)

بمفهومنا احنا الشخصي هل فرعون ناجح؟ والنجح ولا لأ السؤال الثاني هل قارون ناجح قارون لو آآ جه دلوقتي لو كان في زمان كان هيتقال اسمه في دورات التنمية البشرية - [00:17:29](#)

ان ده واحد معه كل الدنيا ومعه وحقق ذاته وانجز وكون دولة وكون سرورة وكون اتباع وعمل انجاز مادي وحيبقي بيتضرب مسأل زي زي ستيف جوبز وزي بتاع فيسبوك دوت وزي آآ غيره يعني - [00:17:52](#)

من المشاهير المعروفين اللي هم اغنى العالم فعلاً احنا بنضرب امسلة دلوقتي شبيهة ما هو كل اغنياء العالم دول متورطين في دعم دعم اسرائيل ودعم الصهاينة نعم مشاريع افساد في العالم كتير جداً ودعم آآ عبودية للناس في افريقيا واستغلال وسرقة اموال وسرقة - [00:18:12](#)

كنوز افريقيا كل ده علشان آآ يوصل للمادة ديت ده بالنسبة لنا لو كان قارون ناجح تمام؟ فلو كان قانون ناجح في زمان آآ في كان قانون في زمان كان هيضرب به المثل في النجاحات. طيب - [00:18:37](#)

يبقى احنا بنقول احنا في نزرنا وهو مش ناجح. ان لان ربنا قال كده. قال آآ يقدم قومه يوم القيامة فاوردهم النار وبئس الورد المورد. وربنا قال عن ال فرعون ويوم تقوم الساعة ادخلوا ال فرعون اشد العذاب - [00:18:57](#)

طيب يبقى اذا لا قارون ولا فرعون ولا هاما ناجحين رغم ان هم بالمعايير المادية اللي انا قلته من شوية هم من حقنا كلها كلها المناصب الشهادات الفلوس الحشم الخدمة السلطة كل ده معهم. بيبقى دوت بالنسبة لي مع ان انا بقرأ في - [00:19:16](#)

ان هم دول خاسرين قل ان الخاسرين الذين خسروا انفسهم واهليهم. بيبقى دوت بالنسبة لي ما هو ما نجحش ربنا قال عليه خاسر. ربنا ضرب به مثال على الفشل يبقى اذا قارون فرعون هاما مش ناجحين. رغم ان بيتوفر فيهم مصطلح الشائع للنجاح. حتى انت

ودي من الحاجات الخبل في دورات التنمية البشرية وتطوير الذات. ان هو لما بييجي في اول الدورة كده يضرب لك امسلة على ناس ناجحين بييجيب لك الامسلة ديت. اللي هو - 00:19:55

هو الشخص اللي حقق اما مستوى مادي معين او مستوى علمي معين او مستوى آآ شهرة معين بيتدي بيتدي يضع المسال دوت هو الايه النموذج. وبعد كده تعالوا نشوف هو عمل ايه عشان يوصل لكده. صح؟ طب ما كنت تحط لي قارون وفرعون - 00:20:05
برضو يعني ايه الفرق بين انت حطيت لي ستيف جوبز وايه لون ماسك وايه والناس ديت طب ما هي ايه الفرق طب ما كنت تحط قارون وفرعون وهامان لكن الهي صعب نخط الناس دي ما هم دول زي دول يعني ما فيش فرق كبير اوي ده كافر وده كافر. فيبقى احنا عندنا اصلا خلل. خلل حتى في النماذج اللي احنا بنعتبرها - 00:20:25

اه ناجحة خلل في الموازين. تعال بقى اديك الصدمة الايه؟ الثانية بقى عشان نطلع بالتعريف اللي انا عايز اوصله. سؤال وانتم

تجاوبوني تمام النبي عليه الصلاة والسلام قال رب اشعس - 00:20:45

اخبر مدفوع بالابواب لو اقسم على الله لابره رب اشعس نعيش. اغبر مطرب مدفوع بالابواب يعني ما حدش يرضى يستقبله لو اقسم على الله لو قال يا رب والله لتفعلن كذا ربنا يعمل - 00:21:04

لو قال يا رب والله لتفعلن كذا ربنا يعمل استجابة له. مدفوع بالابواب لو اقسم على الله لابره. ده ناجح ولا فاشل بالنسبة لي ده ما عندوش اي معايير من اللي احنا قلناها. لا فلوس لا منصب لا شهرة. ما فيش اسرة اصلا تقريبا. هل ده ناجح بالنسبة لي ده النبي بيضرب مسال - 00:21:22

ان هو ده لو اقسم على الله لابره. ده بالنسبة لي ناجح ولا فاشل مفهومك انت الاسلام انت راجل مسلم بتبص لنظرة تانية خالص تمام ده بالنسبة لي ناجح رغم ان ما فيهموش اي معيار من المعايير اللي اللي سبق ذكرها. طيب. مسال ثاني - 00:21:42

النبي عليه الصلاة والسلام كان في واحدة ست غلبانة بتكنس المسجد النبوي تقوم من المسجد. كت ست غلبانة ما لهاش اي امكانيات. غير ان هي بتكنس المسجد. فالنبي عليه الصلاة والسلام مرة راح المسجد ما لقهاش. قال فين الست - 00:22:02

الطيبة اللي كانت تكنس المسجد قالوا له والله ماتت ودفناها. فزعل قال لي ماذا لم تخبروني؟ هيا بنا لكي اصلي عليها. وراح النبي عليه الصلاة والسلام فصلى عليه حلو سؤال هل المرأة دي ناجحة ولا فاشلة - 00:22:20

نجحت في حياتها ولا فشلت؟ خد الصدمة يعني انا عايزك تمشي معي لغاية ما نوصل للتعريف الاسلامي بتاعي للنجاح اه طبعا المرأة دي ناجحة جدا ناجحة جدا صلى عليها رسول الله صلى الله عليه وسلم. قمة النجاح - 00:22:37

طيب تعالوا اقول لكم حديث بقى حديث ثاني النبي عليه الصلاة والسلام بيقول اذا صلت المرأة خمسها اذا صلت المرأة خمسها وحصنت فرجها. واطاعت زوجها وصامت شهرها قيل لها ادخلي من اي ابواب الجنة شنتي - 00:22:54

دي واحدة ست ما بتشتغلش اصلا يعني ما لهاش دخل يعني دي ست بيت عادية. بس بتعمل اربع حاجات في حياتها صلي الخمس صلوات في وقتها تطيع زوجها في الحلال طبعا - 00:23:16

تصوم شهر رمضان تحصن فرجها ما فيش اي حرام ولا شمال ولا علاقات محرمة ولا نزر محرم ولا الكلام دوت. دي يقال لها ادخلي من اي ابواب الجنة شئت دي ست ما عندهاش كارير اصلا. ما عندهاش آآ ما نزلتش تسبت زاتها في المجتمع. ما نزلتش تحقق زاتها في المجتمع. من - 00:23:29

انا اتعلمت يبقى لازم اشتغل. ما عملتش الكلام دوت. هل دي بالنسبة لي ناجحة ولا ما عندهاش دخل مادي؟ هي عايشة على مرتبها او مرتب جوزها وعايشة بنت ناس في بيتها بتربي عيالها وبتصون نفسها وبتصلي وبتصوم. دي ناجحة ولا فاشلة - 00:23:50

كلنا هنقول ناجحة. لان الحديث بيقول كده. قيل لا ادخلي من اي ابواب الجنة ايه؟ شئت. طيب سؤال كمان اه سيدنا محمد نجح طبعا ما ينفعش يبقى سؤال سيدنا موسى نجح - 00:24:08

نجح طبعا ما ينفعش يبقى سؤال طيب النبي الذي يأتي يوم القيامة وليس معه احد وليس معه احد. يأتي يوم القيامة النبي وليس

معه احد. نجح نجح طبعا سيدنا سليمان نجح تقول لي اه طبعا ده ده نجح جدا. طب على الدنيا برضه انت لسه دماغك في الدنيا -

[00:24:32](#)

طب سيدنا ايوب نجح؟ نجح؟ سيدنا يحيى اللي اتدبح اتقطعت رقبته سيدنا زكريا اللي اتقتل نجح نجح الله! ده سيدنا سليمان ملك الدنيا سيدنا يحيى وزكريا اتقتلوا سيدنا ايوب كان مريض ده - [00:24:55](#)

النبي امته كبيرة النبي ما عهوش حد. كل دول ناجحين. ازاي؟ هو ايه المعيار بقى؟ شفت الصدمات خدت الصدمات؟ انا جبت لك امسلة كلها بالنسبة لمعايير الدنيا متناقضة انا جبت لك امثلة بالنسبة لمعايير الدنيا اللي احنا قلناها متناقضة - [00:25:11](#)
متناقضة لو وزنا الامسلة دي على الشهادات والفلوس والشهرة والمال والكؤوس والكلام ده هم عكس بعض. رغم ان انت دلوقتي قلت لي كلهم ناجحين صح ازاي خد بقى الامسلة دي وانت دلوقتي طالع من كاس عالم ومتخيل ان اللي عمله ميسي وعمله ارجنتين ده نجاح - [00:25:35](#)

لسة حديك الصدمة دلوقتي هتاخد دلوقتي الصدمات انت متخيل ان العالم كله المفروض ينبهر بميسي والارجنتين عشان خدوا كاس العالم. ده نجاح رهيب جدا عظيم جدا. يبقى انت لسه في التعريف المادي - [00:26:00](#)
وانا اديتك كام صدمة دلوقتي جبت لك ناس عكس بعض وانت بلسانك قلت لي كلهم ناجحين. يبقى انت معي ان احنا لازم نهدم نهدم كل التعريفات الفاشلة ديت. وتعالى نضع تعريف جديد للنجاح - [00:26:15](#)

تعريف جديد للنجاح تعالى بقى نقول وتكتب معايا المعايير دي لان المعايير ديت هي دي معايير النجاح بالنسبة لك كمسلم معيار الاول التوحيد لا يوجد توحيد لا يوجد نجاح يعني ما فيش توحيد مش هبص لحاجة - [00:26:30](#)
ما تبص ما ينفعش ابص لما وراء ذلك انتهى الكلام ما فيش توحيد ما فيش نجاح لان بالنسبة لي انا اه منزومة النجاح اه خليني اقول اصل اصل عشان ابني عليه المسلم منزومة النجاح عنده مرتبطة الدنيا والاخرة مع بعض - [00:26:54](#)
ما ينفعش يتفكوا من بعض. يعني النجاح هو النجاح في الدنيا والاخرة ده بالنسبة لي فارق مؤثر بين المادية والتعريفات الايمانية التعريفات المادية والتعريفات الايمانية. تعريف المادي بينظر للدنيا بس. عشان كده انتم قلتم اه نجح على المستوى الدنيوي. لان ده التعريف الدنيوي - [00:27:19](#)

اما انا كمسلم عندي النجاح دنيا واخرة. مرتبطين الاثنين ببعض. تمام فاللي بينجح دنيا وما بينجحش اخرة ما ينفعش. لازم دنيا واخرة فبالنسبة لي اللي ما عندوش توحيد او هيموت على غير التوحيد ده فاشل بكل المقاييس مش - [00:27:43](#)
بص ورا مش هبص بيعمل ايه خلص. ده انتهى بالنسبة لي انتهى بالنسبة لي ربنا قال كده والذين كفروا اعمالهم اعمالهم كسراب بقيعة. يحسبه الظمان ماء حتى اذا جاءه لم يجده شيئا - [00:28:07](#)
وجد الله عنده فوفاه حسابا. مثل الذين كفروا بربهم اعمالهم اعمالهم كرماد. اشتدت به الريح في يوم عاصف لا يقدرון مما كسبوا على شيء ذلك هو الضلال البعيد تمام يبقى انا - [00:28:24](#)

بقول المعيار الاول عشان ادخل واحد في ان انا اتفاهم اصلا معه في قضية النجاح التوحيد الاول ما فيش توحيد؟ ما فيش كلام ما فيش توحيد ما فيش نجاح تمام حاتم الطائي هيخش النار - [00:28:47](#)
ابن جدعان اكرم كان من اكرم العرب هيخش النار. ابو طالب هيخش النار لان ما فيش توحيد نمرة اتنين نمرة اتنين الاستقامة الاستقامة التوحيد والاستقامة لان انا عندي اعرف في مفهومي عن الاخرة ان في مسلمين هيخشوا النار - [00:29:04](#)
اللي هم ما استقاموش وعندنا واحد التوحيد اتنين الاستقامة. الاستقامة على طاعة الله فلو فيه توحيد واستقامة هنبتي نتكلم في توحيد وما فيش استقامة يبقى الدنيا بايطة ما فيش توحيد يبقى الدنيا منتهية - [00:29:31](#)

منتهية تماما. يعني التوحيد هو كده انت ايه ها جبت اصله اصل النجاح الاستقامة بدأت ايه؟ الربط من كمال النجاح. فاضل الثالثة اللي هنقولها ما فيش استقامة يبقى انت في خطر كبير جدا. خطر ان نجاحك يروح. يعني واحد موحد لكن ما بيصليش متبرجة آآ - [00:29:47](#)

فاسد آ زاني شارب خمر انت خطر خطر ضخم جدا. عشان كده مسلا تعال نضرب مسال ممسل مسلم رقاصة مسلمة آ مسلا آ ملحن مسلم آ تمام؟ كل دول بالنسبة لي عملوا شرط التوحيد. حلو - [00:30:11](#)

بس ما حققوش شرط ليه؟ الاستقامة. يبقى انا ما ينفعش اسمي حد فيهم ناجح. يبقى ما ينفعش ما ينفعش ان انا اقول ان في ممسل ناجح ما ينفعش اقول الممسلة ده نجح - [00:30:36](#)

ما ينفعش اقول ان الفيلم ده نجح. ما ينفعش ان محمد رمضان يقول ثقة في الله نجاح محمد رمضان ما ينفعش يقول سقة في الله نجاح لان ما فيش نجاح في الباب دوت. لان باب بعيد عن الاستقامة. ما ينفعش اقول ان واحد شغال في الربا نجح. ولا واحد شغال في المخدرات - [00:30:49](#)

نجح وانا واحد جاب فلوسه من زلم الناس وسرقة الناس زي الدول الغربية اللي بتسرق مقدرات الافريقيا ان دول نجحوا لان ما فيش توحيد الاستقامة او حتى اللي عنده توحيد ما فيش استقامة. يبقى ما فيش استقامة يبقى ما فيش نجاح. ما ينفعش تقول لي مغني ناجح ولا ممسل ناجح ولا - [00:31:09](#)

اه صناعي ناجحة ولا فيلم ناجح. كل ده بالنسبة لي فشل حتى لو ناس مسلمين عملوه. لان مسلم توحيد بس ما فيش ايه؟ ما فيش استقامة خلصنا ديت يبقى اي حد مكسبه حرام - [00:31:29](#)

ما ينفعش يبقى ناجح خالص ايوه صح يا اية لو حد مكسبه حرام ده فشل حتى لو مسلم. ده بالنسبة لي ما نجحش ثلاثة بقى. ودي بقى الايه؟ اللي هي الحنة اللي هي الدنيوية بقى - [00:31:44](#)

ثلاثة ان تفعل ان تعمل ما تقدر عليه في حدود امكانياتك ان تفعل ما تقدر عليه في حدود امكانياتك بما يرضي الله تاني ان تفعل ما تقدر عليه في حدود امكانياتك بما يرضي الله. يعني في الحلال يعني. والقاعدة الثالثة دي جبتها منين؟ من قول النبي عليه الصلاة والسلام - [00:32:03](#)

احرص على ما ينفعك واستعن بالله ولا تعجز. طب القاعدتين الاولانين جبتوهم منين؟ جبتوهم من قوله تعالى ان الذين قالوا ربنا الله ادي التوحيد ثم استقاموا وقول النبي عليه الصلاة والسلام للرجل قال قل امت بالله توحيد ثم استقم - [00:32:40](#)

يبقى الثالثة ان تعمل ما تقدر عليه في حدود امكانياتك بما يرضي الله. اللي يحرص على ما ينفعك ان تعمل ما تقدر عليه في حدود امكانياتك بما يرضي الله. وممكن نخط دليل على القاعدة الثالثة دي - [00:33:00](#)

فاتقوا الله ما استطعتم. ومنها لا يكلف الله نفسا الا وسعها. ومنها لا يكلف الله نفسا الا ما اتاها تمام؟ المعيار الثالث دوت بيقول لي ان النجاح عندي في الاسلام مش مرتبط بالنتائج. ودي قاعدة خطيرة جدا. قاعدة خطيرة اكتبوها - [00:33:16](#)

النجاح في مفهوم الاسلامي ليس له علاقة بالنتائج انما له علاقة بقدر الاسباب اللي انت اخدتها بقدر الاسباب اللي انت عملتها. وليس له علاقة بالنتيجة في مفهوم المادي النجاح مرتبط بالنتائج - [00:33:37](#)

وليس بالاسباب. ما عندهم ما هم ما بيبصوش للسبب. هو بيبص للنتيجة. السبب بقى حلال حرام. انت راجل بقى جت معك كده كل ده ما يفرقش معهم المهم النتيجة. لكن انا في مفهومي العكس النجاح ما لوش علاقة بالنتيجة. النجاح له علاقة بالاسباب - [00:33:59](#)

لو انت فهمت اللي انا قلته ده هتعرف ليه النماذج اللي كان في زاهرها التناقض اللي انا قلتها دي طلعت مش متناقضة لو انت قعدت القاعدة ديت ان النجاح مرتبط بالاياه؟ بالاسباب وليس بالنتائج. عشان كده قلنا النبي سيدنا محمد نجح رغم امته ضخمة جدا. والنبي اللي جاي مش معه - [00:34:17](#)

حد نجح ليه؟ لان انا مش بابص للنتيجة. انا ابص للاتنين عملوا اللي عليهم. يبقى نجحوا صح المرأة اللي كانت بتكنس المسجد والاشعس الاخير اللي قلنا عليه. هم ما عملوش نتيجة دنيوية ما فيش فلوس ما فيش مناصب. لكن ده كان اخرهم. يعني هو - [00:34:37](#)

الغبان وعلى قد حاله ودي وظيفته راجل عامل بسيط فده اشعس واغبر بس ده اخره ده اخر امكانياته داخل قدراته بس عنده

توحيد وعنده استقامة وجايب اخره في الشغل ده نجح والست دي ست كبيرة وغلبانة وما عندهاش دماغ سيدنا عمر وما عندهاش قوة سيدنا خالد. فدي اخرها بتكنس المسجد. بس ده اخرها فهي جابت اخرها - [00:34:54](#)

طب دي بالنسبة لي ايه نجحت سيدنا ايوب صبر في المرض سيدنا سليمان شكر في الغنى. بالنسبة لي كلهم ايه؟ عملوا اللي عليهم ونجحوا. وبالتالي انا بالنسبة لي ان النماذج اللي انا قلتها لك دي ما لهاش مشكلة. ما فيش تناقض ما بينها. لان انا ببني على ان نجاح عندي مرتبط بالعمل مش بالنتيجة. مش سعي. وخليني بقى اقول لك بقى - [00:35:17](#)

الان اللي حتجيب لك الاخر. قوله تعالى وان ليس للانسان الا ما ايه؟ ها اكتبه. وليس للانسان الا ما ايه؟ انت الا ما حصل وليس الانسان الا ما - [00:35:39](#)

آ وصل اليه ولا ايه؟ وان ليس للانسان الا ماء سعى يبقى ازا انا عندي النجاح مرتبط بالسعي وليس مرتبط بالنتيجة. وده بيهديك خالص بقى. خليك تنام بقى. تنام ولما تفهم القاعدة دي تستريح جدا. بتبقى انت انت معلى مع احترامى في منة دلوقتى اللي عايش في - [00:35:53](#)

بلاد برة معه عربية ومعه فيلا وبتاع. في واحد عايش في مدينة عايش في شقة وشغال مهندس او طبيب. في حد فينا دلوقتى بيتفرجوا علي هي عايشة في قرية عايشة في قرية وحياتها ريفية وزرع ومواشي والكلام دوت. في واحد شغال في الفاعل. في واحد - [00:36:20](#)

ده يعني ما اتعلمتش ما ظروفها ما اتعلمتش اصلا وبتخدم جوزها وابوها العيان وبتاع. هل الكل دول حاسين ان في حد فيهم احسن من الثاني؟ المفروض لأ لو انت فاهمني فانت اللي انا بقوله لأ ما فيش. ما فيش حد احسن من الثاني. اللي احسن من الثاني احنا ما نعرفوش - [00:36:42](#)

القاعدة ان اكرمكم عند الله اتقاكم. فده بيرحني. يعني النموذج حياتي ايه هو؟ انا اتحطيت في انهي موت في الحياة؟ مش فارق معي لان انا فهمت دلوقتى ان انا المهم ان انا في الوضع اللي انا فيه اعمل اللي اقدر عليه في حدود ما يرضي الله واحافز على التوحيد والاستقامة - [00:37:03](#)

انا كده نجحت يا باشا. انا كده يا باشا ايه نجحت. اعمل اللي اقدر عليه في حدود ظروفى وامكانياتى اللي ربنا حطني فيها. مع تحقيق التوحيد والاستقامة توحيد تمام استقامة يعني حجابك وصلاتك واخلاقك وادبك وزروفي ايه انا والله بنزل ارض انزل ارض انا بخدم ابويا اخدم ابويا انا مهندسة - [00:37:23](#)

انا مهندسة انا طيار انا تيار انا اغنياء العالم اغني اغنياء العالم المهم ان انا اعمل ايه؟ الوضع اللي انا فيه اعمل الصح في امكانياتي باللي يرضي ربنا بس - [00:37:43](#)

لذلك مفهوم النجاح في الاسلام يدخل فيه الجميع. وده جماله. انت لما بتروح دورة تنمية بشرية دايمًا بيدك نماذج تعجيزية لما يضرب لي امسلة باغني اغنياء العالم انت بتعجزني مش مش بتحفزني - [00:37:56](#)

انت بتدمرني لان دول بيطلع واحد كل مية مليون كل مية مليون بيطلع واحد زي ده لما تقول لي ان نموذج النجاح محمد صلاح انت مارني مش بتحفزني. لما تقول لي ان نموذج النجاح آ بطل العالم في كذا. انت بتدمرني مش بتحفزني. ده مش نموذج النجاح - [00:38:14](#)

انت اصلا باني النموذج غلط وبالتالي فرعت عنه امسلة غلط ليه ما قلتليش ان نموذج النجاح الست الطيبة اللي قاعدة في بيتها بتربي تلت بتربي خمس عيال بعد ما جوزها مات - [00:38:37](#)

ليه ما قلتليش ان نموذج النجاح الراجل العامل البسيط اللي بينزل يشقى ويتعب ويعرق ويجب لقمة حلال ويأكل ولاده ويستمر مراته ليه ده بالنسبة لك فاشل انت اللي فاشل. فاشل لو انت فاهمها كده. لو انت فاهمها كده. انت مسلم. لازم تديني النماذج ديت. علشان تقول لي ان - [00:38:52](#)

حياتي انا اللي هي بغض النظر هي ايه انا مستريح تعبان وظيفتي مرموقة وظيفتي وديعة انا غني انا فقير المفروض تقول لي ان

انت ممكن تنجح في اي وضع لو صححت لي المفهوم دوت اللي هو توحيد تمام استقامة تمام تعمل اللي تقدر عليه في حدود زروفاك وامكانياتك - [00:39:14](#)

ويبقى انت كده عند ربنا مية مية. فهنا الفكر يا جماعة؟ لذل اننا لما افهم بقى القصة دي تعال بقى للصلاة بقى. تمام؟ ليه الصلاة ما هو انت لو انت بقى ايه لو انت فهمت اللي اننا قلته ده سهل جدا انك تفهم ايه علاقة الصلاة بالنجاح - [00:39:36](#)

ما يجيش بقى واحد يقول لي ايه علاقة الصلاة؟ فيه ناس بتصلي وفقراء. يبقى انت لسه ما فهمتش تمام لسه ما فهمتش. لو انت قلت لي ما في ناس بتصلي وما ما ما يعني ما عندهم مناصب يبقى انت ما فهمتش - [00:39:55](#)

تعالالي بقى اول الصلاة هي اكبر مظهر من مظاهر الايمان والاستقامة. يبقى اننا كده اول حاجتين ايه؟ نجحت فيهم خلاص احنا قلنا التوحيد والاستقامة صح ربنا سمى الصلاة ايمان زي ما قلنا المرة اللي فاتت. لما الصحابة سألوا - [00:40:16](#)

عن صلاتهم الى بيت المقدس بعد تحويل القبلة. قالوا الصلاة راحت ولا ايه الكلام؟ فقال تعالى وما كان الله ليضيع ايمانكم يبقى اذا الصلاة هي اكبر مظهر من مظاهر التوحيد وهي دالة على الاستقامة اصلا لان الصلاة هي اساس الاستقامة - [00:40:44](#)

فاذا صلحت صلح ما بعدها واذا فسدت كل حاجة ايه تفسد. يبقى اننا مبدئيا الصلاة دلت على حاجتين اننا حققنا توحيد واننا اننا بعمل اكبر مظهر من مظاهر الاستقامة - [00:41:03](#)

يبقى اننا اول حاجتين خلصوا معي. او جبت فيهم درجة كويسة حتى الان. لسه في استقامة لها حاجات تانية. بس اننا على الاقل عملت اساس كبير في التوحيد وعملت اكبر اهم اساس في الاستقامة - [00:41:19](#)

فاضل لي بقى ايه اكمل شوية في التوحيد اعلي شوية واكمل مزار الاستقامة اللي اننا ايه عايز اتكلم فيها. يبقى دي مسألة مهمة يبقى الصلاة في النموذج اللي اننا رسمته لكم بتحقيق لي جزء كبير من واحد وجزء كبير من اثنين - [00:41:33](#)

خلاص وهنشوف ازاي هي هتساعدني على ثلاثة خلينا بس اهم حاجة طول ما اننا بتكلم انت مسبت عندك ايه؟ واحد واثنين وثلاثة. وانا هجيب لك بقى ازاي الصلاة بتصب في واحد واثنين وثلاثة دايم - [00:41:51](#)

يبقى اننا بقول لك ان واحد الصلاة لو بتكلم في علاقة السيمانة خلاص اننا دلوقتي بتكلم في علاقات ثلاثة علاقة باي حاجة في حياتي. عايز اشوف هي جزء من منظومة نجاحي ولا لا؟ اشوف ارتباطها بالتلات حاجات دول. توحيد الاستقامة فعل ما اقدر عليه -

[00:42:04](#)

بما يرضي الله اي حاجة لها علاقة بالتلاتة دول دي دي نجاح في حياتك. اي حاجة عكس عكس او بييجيب عكس التلاتة دول ده فشل. زي ايه؟ زي في اي حاجة فيها شرك زي اي معصية زي تضيع الوقت والتفاهات والهبل والسفاسف كل ده انت كده مش بتحرص على - [00:42:23](#)

حتى لو مش حرام. بس ده بالنسبة لي فشل انت اقعد بقى وقتك في اللعب تقعد تضيع وقتك على الميديا تقعد تضيع وقتك في الكورة في الماتشات والكلام ده انت بتفشل. لا هي بتفشل. لان انت تلاتة بتبوظ منك اللي هي احرص على - [00:42:45](#)

ما ينفعه. اللي هي اعمل كل اللي تقدر عليه في حدود امكانياتك. من امكانياتك الوقت فلما انت بتضيع وقتك بتضيع امكانياتك. يبقى بتضيع ما تقدر عليه. يبقى انت بتفشل تمام؟ يبقى الصلاة بتصب معي في التوحيد اساسا وبتصب معي فين؟ في الاستقامة. حلو - [00:42:58](#)

الصلاة كمان بتديني بقى ايه؟ بتديني في الاستقامة جزء كبير بقى. يعني لو قلنا اول حاجة الصلاة لها علاقة مباشرة بالتوحيد والاستقامة. نمرة اثنين ان صنع بتؤثر تأثير عالي في الاستقامة. عالي جدا في الاستقامة. ليه - [00:43:17](#)

لان اول الصلاة تنهى عن الفحشاء والمنكر وده بيصب في المحور الثاني اللي هو الاستقامة. صح؟ صلاة عن الفحشاء والمنكر. وده له اثر على النقطة الثانية وهي الاستقامة. لان اننا - [00:43:36](#)

لو اننا بعمل معاصي وده يرجعني للنقطة اللي احنا قلناها التلات لئلا والتلات نصائح. امتى الصلاة تنهينا عن الفحشاء والمنكر؟ لو انت تجنبت التلات لا للصلاة السريعة لا للغفلة لا لاستعجال النتائج. والتلات نصائح اللي قلناها لك بتاعة التنويع او الكلام دوت - [00:43:51](#)

لو عملت الصلاة دي صح الصلاة دي هتهناك عن الفحشاء والمنكر. والناهي عن الفحشاء والمنكر ده بيصب فين بيصب في اتنين بيصب في نمرة اتنين اللي هي الاستقامة لان من الحاجات اللي بتضريني في الاستقامة ان انا اه اصلي كتير تمام بس بشرب سجائر. بس متبرجة بس مصاحبة ولاد بس بتفرج على افلام اباحية - [00:44:08](#)

بس بتفرج بعمل عادة سرية بس بسمع اغاني بسمع كوري بسمع اجنبي بسمع مهرجانات بسمع راب كل ده بيضرب معايا في الاستقامة يبقى انا النجاح بقى بالنسبة لي بيتضرب. فتيجي الصلاة - [00:44:35](#)

لو انا صليت صح هي بتساعدني تنهاني تنهاني عن الفحشاء والايه والمنكر وبالتالي بيحصل ان هي كده صبت معي برضو في الاستقامة خد بقى الجمدان بقى اللي جاي. مش بس بتنهاني عن الفحشاء والمنكر. ديت بتمسح لي القديم. تمسح لي القديم كله - [00:44:47](#)

خد بقى الاحاديس دي واللي عرف منكم يجيبها من على انت يجيبها بسرعة قال النبي صلى الله عليه وسلم عثمان عثمان رضي الله عنه قال رأيت النبي صلى الله عليه وسلم توضاً - [00:45:07](#)

توضاً نحو وضوئي هذا نوى توضاً وبعد كده قال رأيت النبي يتوضاً نحو وضوئي هذا. ثم قال من توضاً نحو وضوئي هذا ثم صلى ركعتين ثم صلى ركعتين لا يحدث فيهما نفسه. لا يحدث فيهما نفسه غفر الله له ما تقدم من ذنبه - [00:45:20](#)
غفر الله له ما تقدم من ذنبه وقال صلى الله عليه وسلم ما من امرئ مسلم ما من امرئ مسلم تحضره صلاة مكتوبة هاتوا لي الحديث ده بسرعة. ما من امرئ مسلم تحضره صلاة مكتوبة - [00:45:39](#)

فيحسن وضوءها خد بالك بقى هي دي الصلاة اللي بقول لك عليها. ما من امرئ مسلم تحضره صلاة مكتوبة فيحسن وضوءها وركوعها وخشوعها الا كانت الا كانت كفارة. الا كانت كفارة له من الذنوب ما لم يأت كبيرة - [00:46:00](#)
الدهر كله الا كانت كفارة له من الذنوب ما لم يأت كبيرة وذلك الدهر كله. يبقى الصلاة مش بس صبت معي في الاستقامة من باب ان هي ان هي اساس الاستقامة. وباب ان هي بتنهال - [00:46:24](#)

عن عن ما يضاد للاستقامة من فعل المنكرات بل بتمسح لي كمان القديم والتاريخ القديم كله اللي كان فيه منكرات فبتنصف لي الاستقامة دي خالص بتخلي نمرة اتنين مية مية. شكرا للناس اللي جابت الحديث. طيب - [00:46:38](#)
تعالى ان ان نقول كذا محور ثاني. خلاص؟ احنا قلنا دلوقتي كم محور قسطرة في التوحيد؟ طبعا القسطرة في التوحيد ده بيبان مش وصرف التوحيد ان انت التوحيد وخلاص. لا الازكار شف بقى اياك نعبد واياك نستعين. كل الازكار اللي فيها توحيد في الصلاة عشان كده بقول لك ركز في الازكار. ما ازاي الصلاة - [00:46:56](#)

التوحيد لازم تفهم انت بتقول ايه. لازم تفهم الازكار فاعبدي واقم الصلاة لذكري. اعبدني يعني اذا انني انا الله لا اله الا انا فاعبدي وقم الصلاة لذكري. الصلاة وعلاقتها بالتوحيد - [00:47:18](#)
قوية جدا بس احنا بنفهم الازكار اللي بنقولها. بس مش هنقدر نطول في الحجة دي. خلينا نخش في محور ثالث احنا قلنا اثر الصلاة على التوحيد. اثر الصلاة على الاستقامة - [00:47:33](#)

تعالى بقى نخش في ازاي الصلاة بتصب معي في نمرة ثلاثة بقى. ممكن انت تقول لي طب ما الصلاة حلوة مع واحد واتنين تمام. بس هي علاقتها بتلاتة ايه علاقة الصلاة بتلاتة؟ فاكربن تلاتة - [00:47:43](#)
ها مين فاكربن تلاتة نمرة تلاتة اللي هي من معيار النجاح قلنا التوحيد والاستقامة نمرة تلاتة ان تفعل ما تقدر عليه في حدود امكانياتك بما يرضي الله ان تفعل ما تقدر عليه في حدود امكانياتك - [00:47:56](#)

بما يرضي الله ايه علاقة الصلاة بدي طيب انا دلوقتي عشان اقول ان انا عايز افعل ما اقدر عليه. امشي معي واحدة واحدة هجيب لك كم حاجة دلوقتي هتعجبك قوي. انا دلوقتي علشان انفز - [00:48:18](#)
انفز حاجة انجح فانا محتاج ايه؟ محتاج واحد كذا حاجة اول حاجة محتاج هقول لك دلوقتي هقول لك دلوقتي كم حاجة واحد اتنين تلاتة ماشي هقول لك دلوقتي مسلا خمس حاجات. خمس حاجات - [00:48:33](#)

والصلاة خمس حاجات مهمة انا عشان اعمل اي حاجة محتاج قوة قوة بدن نمرة اتنين محتاج قوة تركيز وتحكم. نمرة ثلاثة محتاج وقت نمرة اربعة محتاج آآ محتاج آآ بركة وتوفيق. نمرة خمسة محتاج - [00:48:55](#)

اقرار داخلي في الاسرة ثاني خمس حاجات وهن فصل. خدي الخمس كلمات دول وفكر فيهم وهتلاقهم كلهم الصلاة بتساعدك فيهم. انا علشان انجح عشان احنا بنقول ان تفعل ما تقدر عليه. تفعل يعني محتاج انا ابزل مجهود. صح؟ مجهود ووقت وتركيز - [00:49:22](#) وتوفيق والاسرة تكون تمام عشان اعرف اشتغل ببقى انا محتاج قوة قوة بدن محتاج قوة تحكم وتركيز محتاج وقت محتاج بركة ورزق محتاج استقرار داخلي اسري هل الصلاة لها علاقة بالخمس قوات دول - [00:49:49](#)

خمس انواع من القوة بينفعك ان تفعل ما تقدر عليه قوة البدن قوة التحكم قوة الوقت قوة التوفيق والبركة والرزق قوة التوفيق والبركة والرزق اخر حاجة. نمرة خمسة الاستقرار الاسري والداخلي - [00:50:15](#)

الاولى كل واحدة هنقولها في دقيقتين هل الصلاة لها علاقة بقوة البدن طبعا واحد الصلاة لها علاقة بقوة البدن النبي عليه الصلاة والسلام اه السيدة فاطمة كانت تعبت من شغل البيت. فراحت للنبي عليه الصلاة والسلام قالت له انا عايزة خادم يخدمني. فقال لها وقال للسيدة - [00:50:36](#)

عليه الا ادلكما على ما هو خير لكما من خادم اذا اويتما الى فراشكما سبحا ثلاثا وثلاثين واحمدا ثلاثا وثلاثين وكبرا اربعا وثلاثين. فذلك خير لكم من خادم. يبقى اذا الذكر نفسه بيقوي البدن حقيقة مش مجاز. حقيقي الذكر بيقوي البدن - [00:51:00](#)

لا حول ولا قوة الا بالله سبب لقوة البدن النبي عليه الصلاة والسلام وصف الشخص اللي بيصلي وقال ان الشخص اللي قام الى الصلاة صلاة الفجر وقام لقيام الليل قال في الحديث الطويل قال قام نشيط النفس طيب. قال يعقد الشيطان على قافية احدهم ثلاث عقد عليك ليل طويل - [00:51:24](#)

فارقد فاذا هو قام فصلى انحلت اقام فذكر الله انحلت عقدة انحلت كبر انحلت عقده فقام نشيطا النفس طيب. نشيط النفس طيب. قوة بدنية. والا والا قام خبيث النفس كسلان. والا قام خبيث النفس - [00:51:49](#)

كسلان يبقى اذا لاكوني بصلي الفجر او بصلي قيام ليل ده ليه اثر في قوة البدن الصبح بتلاقي نفسك انشط اكثر تركيزا وقوة والا ربنا بيتليك مهما نمت تلاقي نفسك قايم خبيث النفس وكسلان - [00:52:09](#)

فضلا ان الصلاة نفسها بتديك قوة قوة مادية حقيقية. الحركات ان انت تخش الحمام وتتوضا وتنشط نفسك بتبل مية وتغسل وشك وماية بتاع تفوق كده وتنزل المسجد وتروح وتعمل حركات وسجد وركوع وتقوم وتسجد وترجع وتقوم - [00:52:26](#)

ارجع بيتك كل ده خمس مرات في اليوم. ده بيخلي جسمك في حالة نشاط غير عادي نشاط عالي جدا فضلا ان في يعني ابحاس طبية على اثر الصلاة في تقليل جلطات القلب - [00:52:46](#)

اثر الصلاة في تحسين الدورة الدموية. اثر الصلاة في تقليل السكتات الدماغية. قصص تانية بقى كبيرة بقى خلصنا المحور دوت. يبقى اذا الصلاة لها ارتباط بقوة البدن الصلاة لها ارتباط - [00:53:01](#)

بقوة التركيز. انا ممكن يبقى عندي قوة بدن. بس انت مش مركز مش عارف اتحكم في نفسي مش قادر اتحكم في نفسي. عايز اقعد على الحاجة. عايز انجز. عايز اخلص - [00:53:17](#)

طيب هل الصلاة لها علاقة بكده؟ طبعا. لان الصلاة في الحقيقة انت مطلوب في الصلاة اقيموا الصلاة مطلوب خشوع في الصلاة ده بيستلزم منك تمارين تحكم رهيبه تمارين تحكم رهيبه - [00:53:33](#)

تحكم في البدن وتحكم في الافكار ما انا دلوقتي عشان اعمل صلاة خاشعة لازم اعمل تمارين تحكم اولاً ما فيش اكل ما فيش شرب ما فيش كلام ما فيش التفات اصلا. ما فيش ترفع راسك كده. اصلا - [00:53:52](#)

ما فيش هزار ما فيش ضحك في حتى افكارك لازم تسيطر عليها. مفروض ما تسرحش. المفروض تقبل بقلبك على الله. المفروض تعود دماغك تفكر في الصلاة. ده تمرين. تمرين. المفروض تلتزم بحركات محددة. باشكال محددة. بصفات - [00:54:13](#)

محددة تخيل واحد بيعمل كده في اليوم ممكن بيصلي خمس صلوات غير بقى النوافل يمكن بيعمل كده عشرين ثلاثين صلاة في

اليوم قدرته انه يسيطر على نفسه بتعمل لك ازاى - [00:54:38](#)

لو انا اقدر ازاكر وانا اتعودت ان انا اقدر اسيطر على نفسي اقدر انا ما كلش اقدر ما اشربش اقدر ما اسرحش فالصلاة بتعمل لك قوة تحكم في البدن رهيبه - [00:54:51](#)

ما حداث تمام؟ معلش اللاييف قطع شوية ما حداث يقدر يعملها الا اللي بيحافظ على الايه الا بيحافظ على الصلاة اللي هو التحكم دوت علاقة الصلاة بالوقت الصلاة ايه علاقتها بقوة الوقت - [00:55:06](#)

اولا انا محتاج وقت عشان انجح. محتاج بدن محتاج تركيز محتاج وقت تمام الصلاة ايه علاقة الصلاة بالوقت اول الصلاة بتنزم لك يومك بترتب يومك واحد بتخلي يومك منظم خلقة - [00:55:31](#)

نعمل لك فواصل فجر ظهر عصر فتلاقي نفسك حتى لما تيجي تحط جدول تقول ايه ما بين الظهر والعصر هعمل كذا بين العصر والمغرب هعمل كذا ما بين المغرب ماشي هعمل كذا. هي عملت لك حدود - [00:56:02](#)

حدود لوحدها من غير حاجة غير ان هي نزلت لك لكن لما انا دايمًا بعمل فواصل كده يا استسماري الوقت احسن زائد ان الصلاة بتخليك الصلاة بتخليك تعمل ريفريش كل شوية بتعمل ريفريش لنفسك - [00:56:17](#)

بمعنى الانسان في الطبيعي لما بيحيي لما بيحيي يعمل حاجة بتلاقي ايه بيبقى الاول نشيط. الاول ايه؟ نشيط قوي وبعد كده بعد فترة يعني مسلا ايه انا اه هبدأ دلوقتي ازاكر هقعد ازاكر اول ساعة كويس ثاني ساعة اقل - [00:56:44](#)

تالت ساعة اقل خالص لو انا فضلت مكمل على كده هيبقى بالنسبة لي الساعة الرابعة والخامسة والستة هوا لاني ما بعملش حاجة لازم ان انا افضل في النص علشان ابدأ من ثاني - [00:57:06](#)

الصلاة بتعمل لك ايه؟ انت بتيجي من بين الظهر والعصر. لو مسلا بتزاكر او بتشتغل بتلاقي نفسك اول ساعة حلو. ثاني ساعة اريح شوية. تالت ساعة خلاص الدنيا هتروح سنك هوب جت صلاة العصر. قمت اتوضيت وصليت ارجع فوق ثاني. يبقى استسماري للساعة نفسه - [00:57:33](#)

اعلى بكتير ان انا بيحصل لي تجديد نشاط كل فترة فدايمًا ايه في العالي قبل ما انزل تيجي الصلاة اللي بعديها تعطيني ايه ثاني فضلًا ان انا عندي معاني ثانية زي ان الساعة اللي - [00:57:53](#)

السائل البكور فيه بركة النبي قال لنا كده جعلت بركة امتي في البكور. الرزق في البكور. فاللي مسلا بيركز او يخلي انتاجه بعد الفجر. بيعمل حاجات اكثر اللي ما بيصليش الفجر وهكذا. يبقى قوة الوقت معي بسبب الصلاة. واما البركة والرزق فحدس ولا حرج -

[00:58:08](#)

النبي عليه ربنا قال وامر اهلك بالصلاة واصطبر عليها. لا نسألك رزقا نحن نرزقك والعاقبة للتقوى قال وما خلقت الجن والانس الا ليعبدون. ما اريد منهم من رزق وانا اريد ان يطعمون ان الله هو الرزاق - [00:58:30](#)

ذو القوة المتين. يبقى الله يبقى الصلاة سبب للبركة. سبب للتوفيق. هي نفسها سبب للرزق. وده قوة. قوة البركة والتوفيق والرزق يبقى احنا قلنا اربع قوات دلوقتي البدن تحكم الوقت - [00:58:47](#)

البركة والتوفيق والرزق الخامسة وهي الاستقرار الداخلي والهدوء الداخلي دايمًا الضربة لو جت لك من جوة بتبقى صعبة. يعني ما ينفعش واحد ينجح وعنده اضطراب في الاسرة بيبقى في اضطراب في الاسرة - [00:59:04](#)

بيبقى حياته مش مزبوبة خالص. هل في علاقة بين الصلاة وهدوء الاسرة؟ الهدوء الداخلي طبعًا. هل لاحظتم في سورة البقرة ان هنا وسط ايات الطلاق. وسط الايات اللي بيتكلم فيها عن الطلاق. قال حافظوا على الصلوات والصلاة الوسطى. وقوموا لله قانتين -

[00:59:19](#)

هل خدتم بالكم ان في وسط ايات الطلاق في النص كده اية انت دايمًا لما بتيجي تقرا الايات دول ايه اللي جاب الاية دي هنا حافظوا على الصلوات والصلاة الوسطى وقوموا لله قانتين - [00:59:37](#)

صح الاية دي لها لها اعتبار. كأن الاية دي بتقول الصلاة لها اثر على موضوع الطلاق. لو بتصلوا والبيت الناس اللي فيه محافظين على

الصلاة هذا فيديو اكثر هدوءا. اكثر سكونا اقل مشاكل اكثر بركة. فاذا حالات الطلاق تقل كثير في البيوت ديت. وطبعا المشاكل -

[00:59:50](#)

كثير ربنا قال وليخش الذين لو تركوا من خلفهم ذرية ضعافا خافوا عليهم. عشان ربنا يبارك لهم فليتقوا الله وليقولوا قولاً سديداً تخيل لو البيت كله يبصلي. ويا سلام لو بيصلوا مع بعض. تخيل لو زوج مع زوجته محافظين على صلاة بيصلوا بالليل مع بعض -

[01:00:12](#)

عشان ياخذوا اجر الذاكرين الله كثيرا والذاكرات النبي عليه الصلاة والسلام قال ان الرجل اذا ايقز امرأته فصلا جميعا ركعتين كتب من الذاكرين الله كثيرا والذاكرات. طب انا عايز كل يوم - [01:00:35](#)

اصلي مع زوجتي ركعتين عشان اكتب من الذاكرين الله كثيرا والذاكرات. هل ينفع اتخايق معها مش هينفع. هل لو اتخايق معها ينفع ما اصالحهاش؟ ده انا هلاقي نفسي عايز اصالحها بسرعة في نفس اليوم. ليه؟ عايزين نصلي مع بعض. فحتى مشاكلنا مش -

[01:00:49](#)

نطول ان احنا انا وهي عايزين نصلي مع بعض بالليل ركعتين عشان نكتب من الذاكرين الله كثيرا والذاكرات. ما يفوتناش الاجر دوت. طب احنا متخايقين هنصلي مع بعض ازاي زائد ان احنا حتى واحنا بنصلي مع بعض كده ونسلم مع بعض ونتوضا ونروح نصلي مع بعض وادعي لها وتدعي لي. دي حاجة عظيمة جدا - [01:01:05](#)

البيت كده تلاقي فيه سكبنة غريبة. هدوء عجيب. اه فيه مشاكل عادي بيت النبوة كان فيه مشاكل. بس الدنيا مش بايظة. يعني برضو ايه اهدى بكثير كثير جدا من البيوت اللي فيها شياطين اللي بتطوف فيها بيت ما فيهموش شياطين لان الشياطين بتطرد على طول لان الشيطان هو سبب الطلاق كان بيبجي الشيطان - [01:01:22](#)

ابليس يجلس على العرش يقول له كل واحد عملت ايه؟ فيقول ما تركته حتى فرقت بينه وبين امرأته. فيقول انت انت انت انت. يعني انت تمام. طب انا البيت عندي اصل شيطان ما يعرفش يخشه. من كتر الصلاة والازكار والعبادة وصالح الناس اللي فيه. خلاص يبقى الدنيا هتبقى تمام - [01:01:42](#)

يبقى كمان الصلاة قوة اسرية. الصلاة قوة للامة. اخيرا بقى هنقول حاجتين في دقيقتين الصلاة قوة للامة تنجح بالصلاة شوف بقى شوف بعد ما ربنا قال ايه الاية في سورة النور. وعد الله الذين امنوا منكم وعملوا الصالحات. ليستخلفنهم في الارض كما استخلف الذين من قبلهم - [01:02:01](#)

ولا يمكن لهم دينهم الذي ارتضى لهم. وليبدلهم من بعد خوفهم امنا يعبدونني. ادي التوحيد اهو يعبدونني ادي التوحيد لا يشركون بي شيئا ومن كفر بعد ذلك فاليكم الفاسقون. واقيموا الصلاة ها سر سر التمكين واقيموا الصلاة واتوا الزكاة. واطيعوا الرسول لعلكم ترحمون - [01:02:24](#)

لا تحسبن الذين كفروا معجزين هو الكفار مش بيكسبوك عشان هم جامدين. بيكسبوك عشان انتم عندكم مشاكل في التوحيد وفي الصلاة عشان كده النبي عليه الصلاة والسلام ليلة بدر كان قائم يصلي. في يوم الاحزاب كان قائم يصلي. كان اذا حزبه امر فزع الى الصلاة - [01:02:44](#)

علاقة الصلاة بالدعوة الى الله قوة الدعوة الى الله. ربنا قال قم الليل الا قليلا. ها؟ نصفه وينقص منه قليلا. ها؟ او زد عليه ورتل القرآن ترتيلا. انا سنلقي عليك قولاً ثقيلاً - [01:03:02](#)

ادي الدعوة ان ناشئة الليل اشد وطناً واقوم قليلاً. ان لك في النهار سبحة طويلاً. فيه شغل جامد النهار. طب يا رب ابقى جامد ازاي في النهار؟ صل بالليل في علاقة بين قوة الصلاة وبين الدعوة. قوة الصلاة وتحملك لاعباء الدين. قوة الصلاة والنور اللي في وجهك. النور اللي بيبقى في وجهك وفي كلامك اللي بيبخلي الناس تقبل عليك - [01:03:17](#)

وتحب كلامك. ايه رأيكم؟ بس انا خلصت خلاص. ايه رأيكم كلامنا على النجاح مفهوم النجاح ارتباط الصلاة بالتلت معايير بتوع النجاح توحيد الاستقامة ان تفعل ما تقدر عليه في حدود امكانياتك بما يرضي الله سبحانه وتعالى - [01:03:37](#)

اظن النهاردة انتم واخدين صدمة صدمة في كل المفاهيم. كل المفاهيم اتبدلت كل المفاهيم اتغيرت. آآ بس هو ده ايه؟ ده يا رب

تكونوا طلعتوا بس من اللاييف دوت ان انتم بتحبوا - [01:03:56](#)

والصلاة اكتر متعلقين بالصلاة فهتمم يعني ايه علاقة الصلاة بالنجاح وبقوة النجاح؟ فهتمم يعني ايه نجاح عشان ما حدش يضحك

عليكم ويقول لكم آآ الارجنتين وكاس العالم انسى بقى انسى - [01:04:11](#)

الكلام ده انت انت راجل دلوقتي متطور بتتكلم في دنيا تانية خالص. فهمت حاجات جديدة. ما حدش يضحك عليك في دورات

التنمية البشرية ويجب لك نمازج هي فاشلة في الحقيقة - [01:04:24](#)

النجاح عندي ملازم يا مسلم مستقيم الاول. وبعد كده نتكلم في عمل ايه تمام وبعد كده انتم بقى ايه تمسكوا بالصلاة واحرصوا عليها.

وعايزين بقى نرفع شعار ليرين الله ما اصنع. نرفع شعار ايه؟ لا يا رب - [01:04:34](#)

الله ما اصنع. كل الكلام ده كلام. في الاخر انت البطل وانت اللي هتعمل في الاخر. وانت الموضوع كله في ايدك. قل بقى دلوقتي

ليرين الله ايه؟ ما اصنع. انتزروا بقى ايه ان شاء الله لايف برضو عن الصلاة الاسبوع الجاي جامد جدا. ربنا يحفزكم يا رب ويرضى

عنكم - [01:04:50](#)

يسببتكم بحبكم في الله. عشان كده بقول لكم الكلام اللطيف دوت. يا رب اعمل به انا وانتم كمان تعملوا به ويجمعنا واياكم على الخير.

سبحانك اللهم ربنا وبحمدك اشهد ان لا اله الا انت استغفرك واتوب اليك. اللاييف مسجل هتلاقوه انشروه واستمتعوا به. ربنا يبارك

فيكم. السلام عليكم ورحمة الله - [01:05:10](#)